

欽定大清會典事例

欽定大清會典事例卷一百八十七

戶部

倉庾

運米腳價  
置辦運袋

北河濬淺

裏河剝船

運米腳價。漕糧運京。運通水陸運費。過壩過  
牘負運腳價。各有成例。按數支發。○順治初年  
定。土石兩壩起運。京通各倉漕米。內除失風漂  
流米。扣出不給腳價外。凡實起過壩進倉糧米。  
均按石數給腳價。○十年題准。石壩經紀。自壩  
由裏河五牘剝運至大通橋。每糧一石。給腳價  
二分四釐。又覆准。普濟平下平上慶豐等四

牘負運漕米過牘。每牘每石給腳價三釐。大通橋負運漕米落厓。堆儲號房。每石亦給腳價三釐。又覆准白糧經紀於石壩裏河負運白糧上船。每石給腳價三釐五毫。土壩裏河腳價同。又覆准白糧經紀由石壩裏河五牘剝運白糧至大通橋。每石給腳價一分八釐。又議准普濟平下。平上慶豐四牘負運白糧過牘。每石共給腳價八釐七毫三絲七忽六微。又覆准大通橋負運白糧落厓。堆儲號房。每石給腳價二釐一毫八絲四忽四微。康熙三十九年覆

往漕白二糧抵石土兩壩向由外河船戶負米  
落屋堆儲號房。漕糧每石各給腳價三釐。白糧  
每石給腳價二釐五毫。今外河船戶裁革歸併  
經紀。每石給銀一釐。由土壩裏河負米上船。剝  
運至新舊兩城南門號房。裝車陸運進通州倉。  
每石各給車戶銀二分九釐。四十一年覆往  
大通橋車戶。運米進祿米南新舊大海運。北新  
富新興平等倉。每石給腳價四分九毫。四十  
四年題往白糧經紀。由土壩裏河剝運白糧至  
新舊兩城南門落屋。車運進通州倉。每石共給

腳價一分。○又覆准通州倉運送白米並紫老

米至內務府倉。戶部內倉。每石給車價六分。○

雍正五年覆准漕糧於石壩起斛之後。向用水

腳由號房負運上船。今石壩裏河水腳裁革。歸

併軍糧經紉。每石給銀一釐。○八年奏准五城

領賣通倉米。每石腳價七分。自倉用小車推出。裝載大車。腳價一

分二釐。米到廠。扣夫銀一釐。賃用布袋。銀四釐。均按石給發。其大車價銀五分。領米人役飯食

銀三釐。○又覆准五城領賣通倉米。向例自通至

京程途四十里。計程覈給。其運送四鄉八廠出

糶。照例按程覈給。○九年奏准京城各局廠領

運京倉米。每石給腳價錢三十五文。本裕倉每石給錢七十文。通州二廠領運通倉米。每石給錢二十文。解錢車價每串四文。十一年奏准五城領運通倉米。每石定腳價七分。其米錢解運部庫。及一應席片紙張等費。每糶米萬石。銷銀三十兩。十二年覆准大通橋車戶運米進祿米。南新舊太海運。北新富新興平等倉。每石給腳價三分四釐。運進太平倉。每石給腳價一分五釐。運進萬安倉。裁後每石給腳價二分五釐。九毫。運進裕豐倉。每石給腳價二分二釐。運進

儲濟倉。每石給腳價二分六釐。運進豐益倉。每石給腳價一錢二分四釐。又覆往運進本裕倉。由石壩裏河五牕。剝運至大通橋。轉交車戶起車陸運。每石給經紀石壩外河負米落厓腳價一釐。裏河負米上船腳價一釐。五牕剝運至大通橋。腳價二分四釐。普濟平下平上慶豐四牕水腳。負運過牕上船。共銀一分二釐。大通橋水牕負米落厓堆儲號房。腳價三釐。大通橋車戶陸運至倉。每石給腳價九分四釐。以上每石共給銀一錢三分五釐。又題往京通各倉收

糧舊例雇夫負米入廩包因名曰雇長每石給銀八釐負米到因名曰小甲每石給銀四釐鋪廠打捲抱籌檯斛京倉名花戶通倉名甲斗每石給銀七毫共給銀一分二釐七毫今每項減半實給銀六釐三毫五絲其本裕一倉每年進米無多仍照舊例發給○又題准大通橋車戶運送白糧進內倉每石給銀二分八釐○十三年覆准在京各倉運送廣惠局米每石給車價銀三分五釐○乾隆三年奏准山東河南二省運到黑豆自通至京入廩每石給負運腳價一



分七釐。車運銀五分八釐。倉役腳價六釐三毫。每豆二石。給席價銀一釐七毫。○又奏准內倉每年改進漕米。每石給腳價六釐三毫五絲。石礪運至大通橋。每石給腳扛銀四分一釐。大通橋轉送內倉。每石給銀三分四釐。○又奏准京通各倉進廩米石。倉役腳價及支放米石倉役箇兒錢文。照數給發。不得剋扣。○又題准通州倉向有白糧飯銀及變賣麻袋銀二項。給監督作為用度。今監督改給養廉前項銀。裁交通庫以充開放白糧並一應辦公之用。○四年題准。

大通橋車戶向例運米萬石扣銀千六百二十五兩以作買餘抵補掣欠如有餘騰併入節省歸公今將車戶扣除銀除買補掣欠之外餘騰給還免其歸公。○七年議准京倉運送內務府米糧每石給腳價三分五釐。○八年覆准漕糧抵通運進京倉於普濟等四牘及大通橋各設水腳頭役負運上船每牘每石給銀二釐七毫。○十三年題准各倉運送內務府麥石照運送米石之例每石給車腳銀三分五釐口袋銀五分在於輕齋項下動給。○二十一年奏准北倉

轉運糧石例係先期豫備布袋斛隻等項由該役等支領腳價辦理俟糧船抵通於所領腳價內按卯勻扣上年江浙二省漕米除截留蠲免外統計抵通漕糧止有一百三十餘萬石其先漕豫備布袋等項業已支辦在前本年應領腳價暫行緩扣予限四年勻扣歸款。二十三年議准五城領米車腳每石原給錢三十五文今酌議增減東城每石減為三十二文南城每石減為三十三文中城每石減為三十四文北城每石增為三十七文西城每石增為三十九文

如赴本裕豐益二倉支領米石車價仍照舊例  
每石給錢七十文通州支領通倉米石車腳每  
石給錢二十文○三十年定

上駟院各國粟米向係倉役自行運送嗣後照西  
中二倉運送內務府白米之例每石給銀六分  
○三十九年定奉天餘豆運倉裏河業已冰凍  
照乾隆三年豫東二省採買黑豆船隻凍阻令  
經紀陸運之例每石腳價銀三分九釐五毫由  
大通橋車戶運倉其牘河運腳於大通橋車戶  
腳價內每石撥出四釐津貼陸運○五十年定

奉天運到牛莊洪斛黑豆五千七百六十石。因裏河冰凍。飭令經紀陸運至朝陽門。交大通橋車戶接運進倉。仍照水運腳扛價值給發經紀。每石領價銀二分四釐。裏外河扛價銀二釐。四牘並大通橋水腳扛價銀一分三釐五毫。大通橋車戶運倉腳價。每石撥出津貼銀四釐。又白糧經紀運京白糧。亦因裏河冰凍。陸運過白糧正米一千四十二石零。除應領水運腳價。並裏外河扛價。照例給發。所有四牘並大通橋水腳扛價。每石一分九毫二絲二忽。一併覈給。○嘉

慶四年奏准大通橋車戶腳價定例每石扣存銀四釐作為辦公之費嗣因各項支用繁多量加裁減每年足敷支用若全漕之年約可節省銀四千餘兩歸入運腳正項添給車戶並令該監督按卯稽查毋任再有浮費○五年奏准大通橋車戶與石上壩經紀車戶自康熙雍正年間節經酌減腳價初時尚可支持迨後漸形疲乏兼之排造船隻修理號房以及挑挖護城河等項費用向未定有開銷款項俱係借支通濟庫項通融辦理統於運米腳價內分年扣還頻

年積壓欠項日增。嗣後於祿米、南新、舊太、海運、北新、富新、興平、太平、萬安、後裁裕豐、儲濟等十一倉應領茶果項下放米制銀每石二釐之數。停其支給。每年約銀四千兩。又大通橋車戶有津貼各倉收米箇兒錢一項。亦停其給發。即於大通橋應領銀內按數扣出約銀二千餘兩。連前項制銀共可得六千餘兩。一併留儲通庫作為橋壩辦公之款。毋庸車戶經紀等借款坐扣。以免掙累。○又奏准石壩經紀接運漕糧從外河雇備船隻起運到壩扛至裏河轉盤五牯運赴

大通橋交卸。向例旗丁交米一石。給箇兒錢二  
十二文。經紀得以藉資貼補。今陋規革除。經紀  
拮据。令旗丁於調劑項下。每石加給箇兒錢五  
文。以資辦公。○七年議准。中東南西四城赴本  
裕豐益。二倉領平糶米石。向無例價。查北城赴  
該二倉道路六七十里不等。每石車價例係制  
錢七十文。今中東南西四城赴該二倉領米里  
數。自八十餘里至一百餘里不等。道路較遠。應  
量為加增。中東二城最遠。每石酌增制錢十五  
文。南城次遠。每石酌增制錢十文。西城稍遠。每



石酌增制錢五文。○八年定奉天存倉粟米起運到通並無箇兒錢文。又無顛扛折耗。所有經紀腳價銀兩。照該省黑豆之例。每石按二分六釐支給。○九年

諭。此次露囤米石所用銀兩。著准於扣存橋壩辦公銀內動支。其陸運通倉米石。准照祿米等七倉腳價。每石銀三分四釐之例支給。○十四年定派儲通倉漕糧。因土壩車戶運送不能迅速。另派軍糧經紀。由石壩陸運中倉。每石支腳價銀三分四釐。土壩車戶運送西倉。腳價每石支給銀二分二釐。

○十五年奏准通倉漕米運儲京倉。每米一萬石。花戶人等向有應支腳價銀六十三兩五錢。書役飯食銀十八兩。嗣後京倉通倉各給一半。以昭平允。○二十三年咨准山東河南二省運送直省賑贖米石。照奉天豆石給腳價二分四釐。扛價銀二釐。○道光四年奏准軍白糧經紀轉運漕糧。歷有長支腳價之案。皆由腳價與公費不分。一切各項支用俱出腳價之內。在全漕年分扣出。各項支用每米一石。覈得腳價銀一分五釐一毫。如漕糧減少。而一切公費仍照前

數每米一石止得銀九釐一毫嗣後無論抵通糧數多寡每米一石比照全漕年分扣贖腳價一分五釐一毫之數實支實放永為定例以減漕與帶交抵算統計全漕三百二十九萬五千石每石減去腳價五釐一毫共節省銀一萬六千八百餘兩足敷各項開銷所有油艙席片船頭工食仍在輕齋節省腳價項下支給至題定書役等飯食及各項公費即照數在茶果項下開銷。又奏准五牕水腳扛價每石酌減三毫遵行已久近年漕糧減少腳價不敷辦公暫復

每石三釐舊制俟一二年役力稍舒即行裁減  
○七年定油艚席片船頭工食題定書役飯食  
等銀仍於經紀腳價內發給

北河濬淺○康熙三十九年題准通州至天津  
沿河州縣各分汛地每年額解挑淺銀兩向係  
通惠河分司經收專司挑挖今通惠河分司裁  
革各州縣所解挑淺一項節省解部嗣後將通  
永道稅務歸併坐糧廳徵收所得贏餘即充挑  
河挖淺及修築隄岸之用○雍正二年奏准天  
津至通州一帶河路向係坐糧廳管理修濬每

多淤淺阻滯之患。今添設通判一員。駐紮張家灣。專司疏濬。並設把總二員。外委四員。聽通判調遣。遇有淺阻。報明通判。在坐糧廳衙門領取錢糧。督率挑挖。仍協同沿河兵弁。催趲空重漕船。如通判有防範疏忽。並剋扣失察等弊。即行叅革治罪。把總外委怠惰偷安。報部斥革。三年題准。漕船運近北河之時。坐糧廳豫飭各汛官弁。先期疏濬。若漕船接續而來。即於前船既過後。船方來之際。立加疏導。如坐糧廳所用人員役。不聽各汛應用。立即申報倉場究處。儻各汛

官弁夥同人役虛冒錢糧及督率不力致稽漕運者倉場題叅。又題准坐糧廳滿漢二員經管糧務不能親歷河干督率它淺嗣後各汛之淺即令各汛官弁督率人役挑它其造辦器具委用人役開銷錢糧仍令坐糧廳經管以專責成。乾隆二年奏准楊村以上至通州河流灣曲最易淤阻坐糧廳向設刮板四十副重運到時設有淺阻立用刮板開通每副需夫二十五名俱係臨時雇募今裁去十副設刮板三十副每副設夫頭一名令其隨時雇夫挑它淤淺按

時定價給發夫頭每名日給工食銀八分。○十三年議准各省漕船抵天津遇淺起剝向於漕糧項下編徵銀一萬四千五百餘兩解交通濟庫發給運軍。詳見漕運嗣後於北河六汛增造堡船六十。召募奴夫百八十名長設淺夫三百名每月各給工食銀一兩二錢。令沿河汎弁上下游巡督率奴夫淺夫隨時疏濬其造船及置備器具並夫役工食皆於通濟庫收存紅剝銀內動支。如有餘贖仍照數派給運軍以為遇淺起剝之用。○二十二年議准北河水程三百六十二

里原設趲漕快船六十隻。每船給歲修銀二兩。不敷辦理。嗣後蔡村以上五里造船一隻者。改為十里。蔡村以下十里造船一隻者。改為十五里。共船三十二隻。足敷催趲疏濬之用。其節省銀兩。每船加歲修銀二兩。○二十三年議准。北河六汛內除楊村一汛近海通潮。墊淺無多。設刮板三副。其餘五汛各設五副。每副設淺夫二十名。除將楊村所餘淺夫二十名撥入五汛。再添八十名。每名每月給工食銀一兩二錢。在紅剝項下支給。令通水道並漕運通判管轄。按名



給予年貌籍貫執照。遇有更換。隨時報部。如有  
冒充缺額。臨時雇應等弊。即將該管各官查叅。  
○又議准北河六汛原有淺夫四百八十名。再  
添設八十名。所需工食。照例於紅剝銀內動支。  
○四十一年議准六汛外添張灣中汛。並蔡村  
一汛。淺夫各一百名。○四十三年議准裁去張  
灣蔡村兩汛。仍留淺夫一百名。刮板五副。酌幫  
各省隨時應用。○五十三年議准楊村至通州  
北河一帶。淤淺較多。額設六汛之外。添設二汛。  
加淺夫二百名。刮板十副。令原設游巡千總二

員督同把總專司其事。並責成坐糧廳及通水道實力查察。儻仍舊淤淺。著倉場侍郎等叅處。○又奏准通州上下二汛中間一帶河面寬闊。空重糧船。每於此處阻滯。今於該二汛交界處所。安設一汛。作為通州中汛。添設汛弁一員。刮板五副。淺夫一百名。又南北蔡村等處河道一段。每遇水落。多露橫沙。今於蔡村地方。安設一汛。添設汛弁一員。刮板五副。淺夫一百名。於附近河標內。調撥把總一員。外委一員。分派各管各汛。以專責成。○嘉慶四年定通州溫榆河為

石壩樓前起卸糧石空重鱗集之所每歲於糧  
竣後九十月間漕運通判親赴河干按次查勘  
淤塞處所即行估報於年前興工挑挖完竣以  
備次年新漕到通運行無阻如不照例及早查  
辦臨工規避將該通判叅奏○十二年奏准張  
家灣為漕運首要之工今將正河挑復並於康  
家溝河口建築攔水草壩加添裏戽接築土埝  
堵截沙河之流共估銀一萬九千八百七十餘  
兩在於部庫撥給○十八年

諭南糧首幫行抵楊村因河水消落起米七成方能前

進向來軍船即遇水淺之年亦不過起六存四今南糧首幫起七存三計大船存米無幾而河西務及張家灣一帶水勢尚慮淺阻不得不儘數起剝除已飭令由楊村起剝回空外所有北運河之淺阻各處著即飭令天津通永二道率領委員多募人夫隨處刮挖務期水勢停蓄不再消耗俾幫船不致積壓停阻

○道光四年挑挖通會河淤積一千五百二十丈○同治五年奏准倉場挑挖溫榆河工程動用銀四千一百餘兩令該侍郎將承辦挑河道廳各員職名送部備河道復淤即由戶部照案

將承辦各員嚴叅罰賠

裏河剝船。○石壩裏河軍糧經紀運米剝船百隻。石壩二十四隻。普濟牕二十隻。平下牕十有五隻。平上牕二十二隻。慶豐牕十有九隻。白糧經紀運米剝船二十五隻。分撥五牕各五隻。土壩裏河車戶運漕白糧剝船二十隻。均十年修造一次。每船給銀七十八兩一錢三分。○順十三年題准。成造剝船。每船給價銀二百九十八兩三錢九分六釐。在通濟庫給發。○康熙年題准。每年各役豫請支給腳價。自行修艚。於

各役腳價內限六年勻扣還庫。又土壩裏河白糧經紀自備剝船五隻。不支造船銀。○三十七年題准大通橋至朝陽門護城河剝船二十八隻。朝陽門至東直門護城河剝船十有四隻。定限十年一造。每船給修造銀一百八十六兩六錢六分。於車戶腳價銀內六年勻扣還庫。○三十一年議准石土兩壩外河向設有白糧船戶三十五名。共剝船七十隻。內石壩四十隻。土壩三十隻。每船給船價銀百四十兩。今負運落厓事務。歸併白糧經紀。土壩車戶經管。經紀車戶

外河各有吊載剝船一隻。或租或買。係自行備用。毋庸支給腳價。○四十七年題准。朝陽門至東直門護城河剝船十有四隻。撥給會清河剝運本裕倉漕米。○雍正三年題准。本裕倉漕糧改為陸運。其朝陽門撥給會清河剝船一併裁革。○四年題准。萬安倉裁後開設東門疏濬護城河。將舊設剝船改小。仍給予八船料價。改造十四船。剝運在各役腳價內。分八年扣還。○八年題准。萬安倉裁後運道鋪墊石路。仍改車運。將前項剝船移於朝陽門外濟運。○乾隆五年奏准。

漕糧到通由五牘轉運進京。例由經紀置造剝船。往回剝運。各有代役一名。名曰船頭。向係經紀自雇。聚散自由。不聽約束。嗣後即令通州及大興縣各按所屬地方。召募殷實良民。承充五牘共船頭一百二十五名。每名每年於經紀腳價銀內。扣給工食銀三十五兩。○七年奏准。五牘船頭偷盜米糧。計所偷米數。以監守自盜論。為數無多。罪止杖懲者。加責完結。其犯徒罪以上。計贓照例治罪。○又題准。大通橋至朝陽門護城河。剝船二十八隻。原定造船價銀。每船一



百八十六兩六錢內有贏餘。嗣後每船給銀一百三十兩。二十五年議准裏河剝船定為十年排造一次。其船價銀兩分作十年勻扣。務須採買堅厚木料。僅有攬用舊料者。即將該經紀等治罪。仍著落賠造。將監造之員照例議處。大通橋剝船亦照此辦理。○嘉慶三年定裏河剝船二十隻。十年排造一次。每隻例給銀二百九十八兩三錢九分六釐。○又奏准軍糧經紀裏河五牘運糧剝船一百隻。十年排造一次。每隻於例價之外增借銀一百六十兩。於該役等應

領腳價內按十年勻扣還款。○五年奏准裏河排造剝船料價銀兩向於通濟庫內動支。在經紀應領腳價內分作十年勻扣歸款。嗣於調劑經紀車戶案內將祿米等十一倉放米制銀及大通橋車戶津貼各倉收米錢文每年共銀六千餘兩均停其支給。為橋壩排造剝船修理號房及挑挖護城河等項辦公之用。今排造剝船五十隻仍在輕齋項下墊放於扣存辦公銀內歸款。○又奏准大通橋剝船向來每隻止給料價銀一百三十兩。近年物料昂貴實不敷用。酌

增銀七十兩。在於橋壩辦公項下支銷。道光元年奏准。大通橋車戶朝陽門外剝船二十八隻。每隻應領排造例價銀二百兩。因料價昂貴。援照石壩經紀排造五牖剝船成案。每隻酌借銀一百二十兩。於應領運米腳價內分作十年勻扣。同治四年奏准。城河朽壞剝船六隻。向給例價銀二百兩。加價銀一百二十兩。現因工料昂貴。每隻除例價加價外。又借給銀九十兩。仍由車戶應領腳價內分十年扣還。五年

諭倉場現在排造船四十隻。每隻於例價加價外。准其

增領銀三百二十一兩五錢。即著戶部於該倉場年  
前借撥銀十萬兩內先行撥給銀五萬兩。為排船並  
先漕各事之需。此項銀兩向由該經紀等分作十年  
攤扣歸款。實形竭蹶。著准其分作十五年均攤。以紓  
役力。其排造城河船隻價值。著仍照上年成案辦理。  
不准加增。借支銀兩。仍由車戶分作十年與前款接  
併攤扣。○六年定排造牘河剝船十六隻。照上屆成  
案。每隻銷例價銀二百九十八兩三錢九分六  
釐。其加價銀一百六十兩。加增銀三百二十一  
兩五錢。在於通濟庫輕齋項下先行發給。仍分

十五年。由經紀腳價內扣還歸款。所造船隻。按照例限保固十年。八年議准排造裏河剝船經費工價銀兩。向由通濟庫給發加價。由經紀車戶應領辦公款內分扣。今排造剝船四十五隻。經紀車戶辦公竭蹶萬難。扣抵此項船費。於江廣三省隨漕輕齎。江浙二省減漕輕齎項下。按年批解部庫。另款存儲。作為造船經費。俟南省漕糧規復本色後。仍由通濟庫籌款辦理。以符舊制。○十年奏准定例大通橋五牐額設剝船一百二十五隻。每隻排造價銀二百九十八

兩二錢九分六釐。加價銀一百六十兩。大通橋城河額設剝船二十八隻。每隻排造價銀二百兩。加價銀一百二十兩。十年滿料排造銀兩。先於通濟庫動支。由經紀車戶腳價內分作十年歸還。同治四年以後。因通庫存款支絀。疊次奏請動款興修。工料價值均有增加。現在通庫入款漸增。即應規復舊制。嗣後排造剝船。確遵定例排造。所有從權辦理之案。不得援以為例。○十一年奏准排造剝船。查照同治四五年成案。每牘河船一隻。發給例價銀二百九十八兩三

錢九分六釐。加價銀一百六十兩。加增銀三百二十一兩五錢。共銀七百七十九兩八錢九分六釐。城河船一隻。發給例價銀二百兩。加價銀一百二十兩。加增銀九十兩。共銀四百十兩。均令工堅料實。保固十運限內損壞。照例懲辦。所有此項剝船。除例價作正開銷外。其加價及加增銀兩。仍由經紀車戶名下分期扣還。以後排造船隻。不得以此為例。○十二年奏。查牘河船壞船四十隻。除賠修補運三十一隻。未動官款。毋庸議賠。其排造船九隻。原支作正開銷之例。

價銀二千六百八十五兩五錢六分四釐。扣除  
六運銀一千六百十一兩三錢三分八釐四毫  
外。應攤賠例價銀一千七十四兩二錢二分五  
釐六毫。又原支加價加增兩款銀四千三百三  
十三兩五錢。除經紀已扣銀一千七百三十兩  
四錢外。應攤賠加價加增銀二千六百兩一錢。  
共應賠銀三千六百七十四兩三錢二分五釐  
六毫。城河朽壞船十二隻。除賠修補運十一隻  
未經動款。毋庸議賠。其排造船一隻。原支作正  
開銷之例。價銀二百兩。扣除六運銀一百二十



兩。應攤賠例價銀八十兩。又原支加價加增兩款銀二百十兩。除車戶已扣銀一百二十六兩外。應攤賠加價加增銀八十四兩。共攤賠銀一百六十四兩。此項攤賠銀兩。仿照倉虧成案辦理。令原派商造船之倉場侍郎攤賠二成。其牘河八成。令石壩州判暨商人及經紀三股。勻攤。城河八成。令大通橋監督暨商人及車戶三股。勻攤。以上攤賠銀兩。均限一年赴部交清。逾限不交。官則叅處。役則治罪。

置辦運袋。○雍正二年奏准石壩需用米袋向

於糧船未到之先。照依時價發銀。令軍糧經紀  
自置袋十有五萬條。白糧經紀自置袋萬條。其  
支過袋價。仍於各役本年腳價內照數扣除。還  
庫。嗣後每歲動茶果銀。增製官袋四萬條。四  
年奏准。前增置米袋四萬條。用殘將袋變價。仍  
歸茶果項下。以為次年置袋之用。又覆准。土  
壩車戶。每年共置布袋四萬條。今改兌稜米全  
進京倉。土壩車戶腳價無多。在於石壩官置袋  
內通融借給一二萬條。運竣仍還石壩應用。  
乾隆元年奏准。通濟庫收放餘賸銀。嗣後酌留

二萬二千四百餘兩。置買次年新漕米袋。如有  
餘贖。悉行解部。○三年奏准。內倉改進漕糧。應  
需運米布袋。在於通漕借用。○十三年奏准。石  
土兩壩。每年起運漕糧。經紀車戶等。已置米袋  
十六七萬條。每日轉運。周而復始。足以敷用。其  
每年增置米袋四萬條。停其置造。以省浮費。僅  
不敷運轉。照例自行製備。○又定運送內務府  
麥石。麻布口袋等項。每石五分。照例於輕齋銀  
內給發。○二十五年議准。石壩每年置備口袋  
一十八萬條。土壩一萬六千條。於新漕未到之

先豫發官銀借給置備於應得腳價銀內扣還。  
變賣舊袋每條約可得五分。殘袋十八萬條可  
得銀九千兩。添置次年新袋每年止須發銀一  
萬六千二百兩。其土壩口袋亦照此辦理。○二  
十七年定車戶經紀每年置口袋十九萬六千  
條。備用所需袋價向在各股腳價銀內扣還歸  
款。今到通漕糧較少。不須全用。按年存留未用  
之袋。於次年湊足應用。○三十六年定口袋係  
坐糧廳專管。嗣後飭令該廳將存廠未用口袋  
數目造冊移送巡漕御史核稽覈辦理。○五十

一年議准通壩軍糧經紀車戶每年起運漕糧

額設米袋十八萬條即於軍糧經紀應得運米

腳扛價銀內每石減去銀六釐定例給腳扛價銀二分六釐

白糧經紀腳扛價銀內每石減去銀四釐定例給腳扛價銀二分

車戶腳價內每石減去銀八釐定例給腳扛價銀四分

計每年可節減銀一萬八千六百四十兩又

殘袋每條變價銀五分可得銀九千八百兩共

銀二萬八千四百四十兩即為置袋之用尚不

敷銀一萬四千兩於通濟庫輕齋項下照例報

銷○又定通州運京米石由通會河用船剥載

經歷五牘則用腳夫盤運牘間兩岸散米極多。總由米袋破損之故。通州額設米袋十八萬條。每歲換造支領錢糧時。恐書吏暗中剋扣。經紀等有任何侵漁。將舊抵新等弊。嗣後於每歲換造時。坐糧廳報明戶部。選派滿漢司官四員前往。將新製之袋逐一點驗。出具甘結。僅額數不敷。撓雜舊袋。即呈明將經管官吏分別叅處。所派司員。或扶同徇隱。別經覺察。一併從重議處。仍於袋內印用某年製造字樣戳記。以杜弊混。○嘉慶五年議准。置辦運袋。既有滿漢坐糧廳

專司其事。復有倉場滿漢侍郎暨巡漕御史。後裁眼同查驗過數。並重疊戳印號記。已足以昭慎重。所有戶部派員驗袋之例。即行停止。以節浮費。未經用過之袋。於冊內註明。令巡漕御史稽查。具結送部。十三年奏准。石壩運米口袋。連經雨水。揀買通州商民舊袋。給石土兩壩分用。仍用戳記。以防弊混。於輕齋銀內動支。糧竣照殘袋之例。變價歸款。十四年議准。通壩經紀口袋。例價不敷。將殘袋變價銀九千餘兩。一半繳存通庫。一半津貼經紀。以資辦公。仍俟該經

紀積欠扣清即行停給。○十五年奏准通壩北倉兩處分投趙辦所需口袋不數轉轉添買商袋一萬條以資接濟每條給價銀一錢二分八釐。○十八年奏准石壩袋廠經紀承管口袋如當趕運糧石之時隱匿新袋捏報發出除將經紀治罪外並將失察之石壩州判叅處。○十九年議准近來布價昂貴該役等承辦口袋統計每年應賠銀數千兩不得不量為調劑除十八年殘袋變價一半銀照舊扣存外所有本年變價銀兩全數撥給以資辦公仍俟該經紀積欠



扣清即行停給。○同治三年奏准車戶運米回  
袋由倉場侍郎派委員二人協同大通橋監督  
專司稽查。每日每倉回袋若干隨時登簿。不准  
車戶擅自借用。如實有口袋破損須倒換者會  
同監督驗明酌給。即於簿內記明借數以便稽  
數。自明定章程後如係花戶短少即責成花戶  
賠補。如係車戶借用短少即責成車戶賠補。

欽定大清會典事例卷一百八十八

戶部

倉庾

採買米石

糶賣倉儲

官役公費

採買米石○雍正六年

諭直隸地方新營水利開墾稻田產米甚多直隸百姓不慣食稻米發帑採買利益民間將所買稻米運交通倉以抵粟米支放○十年奏准直隸州縣採買稻米運通凡在本地採買者該地方官盤驗豫將盤過實數速報倉場存案仍封儲米樣上鈐印信隨船呈驗儻有虧折短少不得在通買補照

漕糧例於次年搭運交倉。○乾隆三年奉

旨。八旗牧養馬駝黑豆在所必需。今戶部因倉貯豆少。請每月減半支放。朕念兵丁等若自行增買不免多費。且在京收買恐市價益復高昂。今年山東河南二省收成尚好。應於山東採買五萬石。河南採買三萬石。共八萬石。足敷支放之用。著該部行文山東河南二省巡撫酌量地方情形。動支正項錢糧。分令各州縣採買。嚴禁短價病民。及胥役侵蝕等弊。務須於河凍之先。委官運送抵通。毋致有誤。臘月以後支放之用。其豆價並腳價等項。仍造冊報部覈銷。○八年題

准古北喜峯等口。如果收成豐稔。米多價賤。奏明動藩庫銀。委官按時採買。以四萬七千餘石。運交薊遵等倉。供應。

陵寢支放。餘均運通收儲。其豫東二省應運。

陵糈之四萬七千餘石。仍運通倉備用。○十年題准。豫省祥符等九縣採買黑豆四萬石。運至通倉。連運價雜費。每石合銀九錢一分二釐三毫。由通運京腳費。計程四十里。每石加車價銀五分二釐。統計價費在一兩以內。限十一月內辦起。務於來春三月全數抵通。自通運京。兌交倉場侍

郎代收轉運需用布袋等項就近借撥○嘉慶九年

諭漕糧為天庾正供積貯本宜寬裕明春新漕因災蠲緩共有一百餘萬石其實在抵通者計算止敷支放至嘉慶十一年三月之間而是年糧船到通總須在五六月間此數月內俸米甲米必須百萬餘石方足以供支放亟應早為籌備以免臨時缺誤本年四川湖南收成均屬豐稔四川本係產米之鄉著該督統計所屬收成分數共可採買米幾十萬由水路運至湖北或交湖北軍船灑帶或由漢口以加裝載徑

行運送通州。其湖南收兌本年漕糧外。著該撫酌量  
仍可採買若干石。如能於本年漕船未經開行之先。  
採辦齊備。即交令均勻搭運。至江蘇浙江江西安徽  
湖北。雖有被水州縣。嗣據該撫等具奏。晚稻均各豐  
收。著各該督撫悉心體察。各省除交兌新漕。此外每  
省尚可收買米石若干。以備京倉之用。不可令地方  
官減價抑派。致令米價騰貴。有妨民食。該督撫等各  
按地方情形。酌定數目。即各先行由驛具奏等因。欽  
此遵

旨議奏。山東採買米二十一萬七千一百四十六石零。

河南碾動倉穀米十萬石。江蘇採買米十二萬石。安徽採買米七萬石。浙江採買米十二萬五千石。江西採買米十萬石。湖北採買米六萬石。湖南採買米二十萬石。四川碾動倉穀米三十萬石。陸續運送到通。○又奏准各省每年額運到通計米三百七十餘萬石。除支放俸甲等米外尚贏餘米六十萬餘石。嗣後偶遇偏災蠲緩若在六十萬石以內則抵通之米仍可足敷支放毋庸籌辦採買致滋糜費。○十年

諭各省採辦米石如係雇用民船裝運赴通者於經由

各關有應納船料地方。加恩免其完納。○又定湖北搭運採買米六萬石。又湖南採買米二十萬石。內糧船帶運米五萬石。州縣長運米十五萬石。每石貼給經紀箇兒錢二十七文。俱免其交納。動支通濟庫輕齎銀兩。官為給發。○又定山東採買米石。各州縣運赴德州。候幫船回空。由德州裝糧運赴京倉交卸。應支潤耗行月食米席片運隨各官養廉等項。照例開銷。惟三修一項。毋庸照正漕支給。○又奏准四川碾運通倉米三十萬石。委員分作十運。以州縣一員為正運。



佐雜二員為協運。妥為照料。楚省亦派道府大員分段料理。所需起剝等費。照例報銷。○又定四川湖南採買運通米石。委員管押。其過淮渡黃。出入江南山東直隸各境。俱照漕糧重運例。隨時具奏。儻有不遵約束。及脫空散漫之運員。船戶。暨催護不力之漕務備弁。地方文武各官。一體查叅。○又定各省採買米船。到通全完。並無挂欠等事。倉場將押運協運總催督催各員。按照運道遠近。分別奏請議敘。如有應行叅處各員。亦據實開叅。○又定山東採買運通米內。

有濟甯州收存淮商協濟大米四萬八千四百八十石。豫行運儲德州水次。俟糧船回空。交幫運通。委員盤量。徽折米三千八百八十一石。該州現無大米可買。准將小米買抵。同原盤大米一併運赴德州水次。交幫兌運。再回空軍船。復運米石。應給經紀箇兒錢文。照湖北採買米石之例。在通濟庫輕齎項下動支。官為給發。以紓丁力。○又定。湖南採買米石糧船。帶運米五萬石。並無外加耗餘米石。過淮抵通。照平米籤盤交收。○又定。山東採買米石到通。除席片一項。

本無編徵銀兩。毋庸交倉外。其餘均照帶運漕糧之例。每正米一石。交倉茶果銀五釐一毫零。不給羨餘紅剝等銀。○又定山東採買米石。原係平米。本未奏明給餘加耗。仍按平米收受。○十一年議准。湖南委員督運採買米內。沿途起剝折耗。及露囤氣頭囤底徽變米石。令押運之員。照數賠補。○又定江蘇籌辦採買運通米石。運費銀兩。照搭運支賸行月舊例辦理。甯屬每運米一石。給贈銀五分。負重銀五分。席片銀八毫五絲。贈米五升。每石折銀一兩九錢。所給銀

兩在江安道庫漕項銀內動支。蘇屬每運米一石給贈銀一錢。負重銀五分。贈米五升。每石折銀一兩九錢。蘇松常太四府州屬每運米一石給席片銀一釐二絲。鎮江府屬每運米一石給席片銀八毫五絲。所給銀兩在蘇松道庫漕項銀內按幫給領。○又定江西江蘇三省搭運採買並河南碾動倉穀雇船運通米石。照湖北搭運採買之例。薑夫銀兩毋庸支給。茶果席片等銀毋庸交納。並令有漕各省搭運採買米石。畫一辦理。以免參差。○又定浙江搭運採買米石。

照正漕之例。每石交納箇兒錢二十七文。○十三年定。山東買補八年分截留漕糧。每米麥一石。各給銀一兩二錢。每豆一石。給銀八錢。事竣覈實造報。如有不敷。再行找領。所需價銀。在徵存地丁銀內動支。○又定。江西湖南等幫漕米。在淮揚等處卸儲平糶。湖南應分買米十萬石。因收成歉薄。分作兩年。每年買米五萬石。於長沙等六府州屬附近水次州縣酌量地方情形。按數勻買。每石先發銀一兩三錢。統俟辦竣後。查明於何月收買。即照是月糧價覈算。少則補。

給多則追還。如米石不敷採買。即以一米二穀  
覈計收買。官為碾運。毋許減價剋扣。致滋貽累。  
並勒限九月內買齊。十月全數運抵岳州水次。  
撥給糧船帶運赴通。其搭運事宜。及一切需用。  
均照成例辦理。○又定江西採買運通米十萬  
石。照乾隆五十。五十一。兩年採買搭運米石給  
軍運腳之例。每石給銀八分八毫四絲六忽二  
微七纖六杪。其幫丁溢領覈減運費銀兩。飭令  
扣繳歸款。○道光四年

諭閩省臺灣米多價賤。應如何招商給照。或糖船裝載。

或另船販運。務期糖稅仍無偷漏。米運並無留難。並覈計該處時價。及運津水腳。每石應得價銀若干。分晰議定章程。該撫一面據實奏聞。一面即督飭迅速購運。並知照直隸總督。飭天津海口一體遵照。以平市價而裕民食。欽此。遵

旨議奏。在臺召募商民運米十四萬石。用糖商各船七十四隻。陸續開放。其鹿耳門鹿子港兩處米價。每石二兩六七八錢不等。淡水一處米價。每石二兩四五錢不等。腳價每石俱六七錢不等。按船給予免稅印照。聽各自投行。○又奏准本年

直隸秋收一律豐稔糧價已平。臺商等自備資本遠涉重洋。若仍令其自行投行。按照市價糶賣。必致賠累。自應酌量變通。官為收買。所有應給價值。即照福建巡撫所報米價運費。每石以庫平紋銀三兩六錢為率。除該商等零星銷售米石不計外。著發價先行收買米十萬石。計價銀三十六萬兩。於部庫撥銀二十萬兩。通濟庫撥銀三萬兩。長蘆運庫。天津道庫。並天津關稅各項下。通同撥用銀十三萬兩。所動部庫銀兩。即在福建積存俸餉建曠工程平餘等款銀內。



湊足二十萬兩解部歸款並令直隸總督揀派明幹大員前往天津督辦所撥銀兩交該員一手給發運米原船帶回貨物官給印照所過關津一律免稅至各該商急公應募運米至十四萬石之多即分別生監民人給予頂戴職銜以示鼓勵○六年奏准山東買補嘉慶二十四年截留漕糧除初二兩限業經買補搭運其米麥豆三萬三千四百二十七石零本年屆買補之期惟各屬未能一律豐收所有應買三限截漕緩至來年秋稔再行派買搭運○七年奏准嘉

慶二十四年山東濮范等州縣被水成災。截留  
漕糧賑恤。奏分三限。於附近水次距運河二百  
里以內州縣。均勻採買搭運。所需價銀。於地丁  
項下。先按米麥。每石給銀一兩二錢。豆。每石給  
銀八錢。支領買運。如有不敷。事竣再行找發歸  
款。其陸路運赴水次腳價。每石每里給銀一釐。  
於耗羨銀內動支。○二十六年

諭江省招商買米。由海道運至天津售賣。米船抵津。已  
有數隻。白米銷售。甚形踴躍。秬米一項。議定官為收  
買。現已籌款辦理。所有此項米石。即著倉場侍郎派

委坐糧廳監督一員。帶同經紀斛隻速赴天津。按船驗明米色。再由天津道按照市價公平收買。委員分運解通。以重儲備。○又奏准江省商販到津米船八隻。計米一萬一千四百石。議定官為收買。因河道凍阻未能運通。先行按照市價發給。計高白米每石價銀二兩九錢。次白米每石二兩八錢。糙米每石二兩六錢。由派出大臣前赴天津督同地方官照數收買。俾免商船守候。○又奏准籌備京倉。招商承辦米石。運津付價。蘇省商人認買杭米十萬石。每石連耗沙船水腳等項共

合銀二兩二錢應需米價於運津兌卸後由津照數發給內五萬石因資本不敷在本省每石先借運本銀一兩所借銀兩在海關洋稅項下借撥動用米石運津按數覈扣○二十七年奏在籌裕京倉由蘇省招商採辦秬米十萬石每石按二兩四錢價值由該商墊辦採買運津後再行給價內八萬石照按在津領價其二萬石據稱無須在北置貨所有價銀四萬八千兩即於到津兌卸後給發收照回南呈繳在南省關庫洋稅項下按照發給作正開銷○三十年定

江西採買米一萬三千石。鹽義倉穀碾米八千石。常平倉穀碾米五萬石。捐輸米五萬一千九百餘石。共米十二萬二千九百餘石。分給十三幫軍船。均勻搭運。捐輸米石腳耗。由各捐員自行捐給。所有鹽義倉穀碾米及採買米。每石給運腳銀三錢五分。耗米二斗。折銀二錢。動碾常平倉穀。除令州縣量給耗米外。每石給運腳銀三錢五分一釐。均由司庫動放。按船散給。造冊請銷。○咸豐元年定。安徽奏開米捐濟賑。除放給工賑外。餘米一萬七千三百五十六石。當即

糶濟民食。嗣因糧價平減。將所糶銀兩採買米二萬六百二十石。由各幫軍船灑帶運通交納。○四年奏准江蘇徵收漕糧減少。將應徵地丁按數解司。委員採買米五萬石。並同金山等縣漕米由海運津。○七年議准奉天米價平減。動撥山海關稅銀四萬兩。在錦州一帶陸續買粟米四萬二千四百石。按照市價。每石八錢四分及九錢八分不等。覈計淨需米價銀三萬七千五百六十二兩。其餘銀兩除開銷陸運車腳。鋪船席片。押船官兵飯食等項應用外。餘賸照例

呈交。其由海運津。由津運通。一切費用。由直隸總督飭令天津道照奉天年例運通米豆之案。覈實開銷。○十一年議准江蘇採買米石。各商陸續認買米十一萬三千石。杭秈並辦。計秈米每石銀三兩三錢五分。秈米每石銀二兩九錢五分。其沙船經撥食耗等米。照海運漕糧辦理。覈入米價內。由該商自行備帶給發。所需米價。以二兩平銀覈給。先由本省每石發價銀一兩。其餘應找米價。驗收後。由天津道照數發給。所有應找米價。即於部庫所存漕折項下。並直隸

藩運兩庫籌款墊發其不敷米價照實運米數  
飭令商船回滬劃領○又奏准此次江蘇採買  
米石實運抵通九萬四千六百九十石短運米  
石並未領價免其補運○同治元年咨准江蘇  
採買秬秠米石運津其黑色細碎米石行令駁  
回換米補運原領米價銀兩暫免覈扣由天津  
道按船給予咨文飭令回南照數易換乾潔好  
米運津交兌○二年奏准天津採買米石動用  
漕折項下銀十萬兩於長蘆運庫應解京餉銀  
內劃撥由三口通商大臣奏督飭天津道設局



按照時價委員採買計實運通杭米三萬石每石庫平銀三兩一錢七分至三兩三錢九分不等。共支米價庫平銀九萬七千六百五十四兩二錢七分五釐。其由津運通水腳照案每百石准銷銀八兩一錢。○六年

諭前因畿輔亢旱曾經截撥漕糧等項以備賑濟並諭直隸總督順天府府尹妥議救荒之策。猶恐糧價增昂民食缺乏。江蘇浙江等省既屬豐稔。即著該省督撫迅各籌款採買米糧數十萬石。由海船運赴天津一切經費准其作正開銷。並著盛京將軍奉天府府

尹察看該處情形。能採買粟米若干石。即行奏明。由戶部籌款撥給。趕緊購運。仍均准其免稅。○又定浙江動撥釐金項下銀兩。採買米三萬石。由海運津。應需水腳。仿照起運正漕之例辦理。米石運津後。責成天津道兌收。毋庸坐糧廳攜帶經紀前往。其由津運通。剝價等項。照道光二十七年成案。每米百石。銷銀八兩一錢。此項銀兩。仍由該撫籌解赴津。交天津道收用。○七年咨准江蘇採買洋米一萬三千七百五十四石。計每石價銀二兩二錢七分。所有抵津米石。兌交三

口大臣查收。用過洋銀。在輪船變價項內開銷。  
○九年奏准。閩省採辦京米十萬石。全數運津。  
交收。按時價據實報銷。計臺灣採辦秈米六萬  
石。連耗每石一兩九錢六分。上海採辦秈米四  
萬石。連耗每石二兩零七分。雇用火輪夾板船  
裝運赴津。由臺灣雇用火輪船。每石給水腳銀  
八錢七分。夾板船。每石給水腳銀八錢二分。由  
上海雇用火輪船。每石給水腳銀八錢。夾板船  
每石給水腳銀七錢五分。由津運通。剝價經費。  
照案。每百石給銀八兩一錢。所有需用米價船

費及運米雜支各款銀兩。由閩海關四成洋稅及福建稅釐項下撥用。作正開銷。○十一年奏准閩省購米四萬石。運津濟賑。按照市價採購。計臺灣採辦秈米一萬石。連耗每石一兩九錢六分。上海採辦秈米三萬石。連耗每石二兩一錢。雇用輪船分批運津。所需米價船費及運米雜支等項。統共用銀十一萬八千五百一兩內撥閩海關四成洋稅銀五萬兩。不敷之銀在稅釐項下支用。作正開銷。

糶賣倉儲。○康熙四十二年議准各倉久存米

糧遇有附近地方米價騰貴。挨陳發往平糶。仍照所糶價值。依限交部。○雍正八年。覆准五城設廠發糶成色米。委部院衙門官各一人。協同地方監糶。止許零星糶賣。以防囤積。仍將所收銀錢。按月造冊送部察覈。○九年題准各倉發糶十成老米。每石作價一兩。稜米八錢。粟米六錢。成色米。每石照十分米色。按成遞減五分。其盤糧虧折。由京倉領糶。每石准銷耗米一升。由通倉領糶。每石准銷耗米二升。○十一年奏准各倉變色米。按成估報酌減糶賣。○十二年奏

准每放完一廠米石令該監督查明氣頭廠底米數估定成色並將該廠收存年分逐一聲明仍委員查驗確實與應有氣頭廠底之數相符即行咨部發糶○乾隆二年奉

旨撥米五城各廠平糶○又奏准於近京東南西北四鄉增設八廠撥米平糶以濟民食各部院揀選司官八員內務府揀選司官八員

乾清門侍衛八員每廠計官三員每日二員在廠監糶一員輪流察訪如有囤積等弊即行拏究每廠書吏二名斗級八名夫役四名令地方官

撥給工食。每官一員。跟役三名。共給銀五錢。夫役每名日給銀六分。書吏每名日給銀八分。以爲日用之費。各倉運米到廠。令倉場撥車並順天府雇車運送。發糶米每石准折耗二升。糶價銀錢兼收。十日一次解部。○三年奏准五城十廠平糶。原係城外四廠。城內六廠。嗣因發糶米石加多。鄉民入城。不無守候。將城內原設六廠移於城外。開廂設立。每城派御史一員監糶。○六年奏准各倉發糶氣頭廠底米。向係各監督直撥五城領糶。並不移會御史。嗣後令各倉監

督將米數移會五城御史酌委司坊官領糶○  
又奏准五城十廠並通州糶賣各倉氣頭廠底  
米定例每月之一日六日投批逢月之五日十  
日交錢嗣後每廠頒發循環簿二本令其逐日  
登填糶賣米數錢數並實存米數按月交部換  
給仍以一六投批五十交錢多寡儘數交納倉  
場侍郎於發糶文到之日就各廠近地將倉米  
按十一分均分令各廠領糶如一倉米多即分  
兩廠米少一廠併領二倉本裕豐益二倉米石  
酌令北城領糶通州米除通廠支領外勻給東



南二城○七年題准五城糶米錢年終報銷務以十二月三十日為止截定數目造報○九年奏准京通各倉每季支領俸米兵餉均有氣頭廠底向例隨報隨發各城按成減價發糶嗣後每年分作兩次京倉夏秋二季並通倉春季留於十月以後發糶京倉冬春二季通倉秋季留在三四月間發糶○又奏准京師糧價增長四鄉設廠平糶照乾隆二年之例遣侍衛等官前往查辦○十三年奉

旨照乾隆八年之例將京倉米石給發各旗並五城米

局減價出糶以平市價。○又奏准通州米價亦未平。  
減照京城減價平糶。糶價照部定數目。易銀解  
部。○又議准河南漕糧改徵小麥一萬石。除內  
務府應用之外。所餘不便陳積。嗣後新麥運到。  
即將餘贖舊麥。交各城照市價糶賣。○十五年  
議准埽收土米不能煮賑。與各城額領成色米  
一例發糶。○十六年奏准現在米價稍昂。將春  
季俸米通倉放贖。氣頭廩底米石移前數月。於  
四月內即行糶賣。以濟貧民。○十七年議准各  
倉餘存黑豆在京滿漢官員可以認買。按品定

以數目。其豆價。即在各員俸銀隨甲錢糧內坐扣。一二品職任官。每員每月買豆十石。一二品閒散官。每月五石。三品每月四石。四品每月三石。五六品每月二石。○十八年議准。親王認買黑豆。定以每月三十石。郡王每月二十石。貝勒貝子每月十五石。宗室公每月十石。○二十三年議准。五城領糶成色米。令監糶部員同御史親赴稽查。領米時。司坊官親身赴倉。如有公務。慎選妥幹書役赴領。並呈報巡倉御史。查明應領米數。按色驗放。司坊官仍將米樣封送巡城。

御史登監糶官於開糶時比對○又奏准各城  
糶賣土米報銷文冊責成該城御史覈明加結  
分送戶部都察院查覈如遇領米開糶日期監  
糶各員協同該城御史赴廠稽查○二十四年  
奉

旨將河南山東二省運京麥石分發五城米廠平糶除  
雜糧行戶不准領買令五城麵鋪赴廠領票買麥磨  
麵賣給民食以五石為率○又議准平糶錢文支給  
挑挖河道工程處八萬四千餘串糶賣錢文發  
給鋪戶領買每制錢八百八十文易庫平紋銀

一兩解交部庫○二十七年奉

旨將豫東二省運京麥石交五城糶賣○又定平糶錢  
文一面招商易換一面於土道工程處照例交  
步軍統領衙門每該工給錢一千文易銀一兩  
二錢仍照南市錢平解交部庫○又定通倉成  
色米石在州城及適中之鄆縣城內分廠糶賣  
○又定豫東二省採買運京平糶麥石業已停  
止所有糶贖麥石照運送內務府餘贖麥石之  
例在其檄倉發城按照時價變賣○四十一年  
議准內倉所存芝麻已屆三年按時價遞年酌

減交象草商人承變限四箇月交銀如不能完  
即於應領象草銀內如數坐扣○四十三年奉  
旨將御膳房等處額用麥麵裁減一半發交五城平糶

○四十四年定各倉於車道等處埽收米豆並  
不在歲報贏餘土米之內其七成以上者篩颺  
潔淨實數歸倉照贏餘事例作正關支六成以  
下者發城照土米之例領賣○四十五年定陝  
西採買運京麥五萬石留儲通倉照四十三年  
發給在京鋪戶領買之例令五城司坊官查明  
殷實鋪戶報明戶部認買先交麥價由戶部發

給執照聽其自赴通倉支領來京發賣。照現在市價每石一兩八錢之數減去一錢以一二兩七錢發糶。○四十九年奉天採買麥石運京奉

旨。交五城設廠平糶。○五十年定奉省二次採買麥三萬石運到京師糶賣以平市價。仿照王公官員承買黑豆之例。准令官員承買。定為武職一二品閒散三品以下等官。文職七品以下等官承買。每石比時價減銀二錢五分五釐。以二兩三錢賣給。令各衙門出具印領赴倉承買。所賣價銀在各該員俸廉等項銀內依限照數坐扣完

項○五十二年撥京倉米五萬石交五城殷實鋪商糶賣○又

諭前因京師米糧市價昂貴特降旨於京倉內撥米五萬石分給五城地方發交殷實鋪商減價平糶並派監糶大臣率同五城御史專辦其事並令會同步軍統領順天府各衙門嚴密查察以平市價自平糶以來雖覺糧價漸減但恐糶竣之後又復漸次加長非朕軫念民依隨時調劑之意著再撥發京倉米五萬石交與五城地方減價平糶○五十三年議准平糶麥四萬四千石磨麪發糶小民易於買食若每



城止設一二鋪恐居址較遠者糴買未便今將  
倉存麥石責成五城正副指揮赴倉支領於所  
屬地方內查明遠近各適中之地有磨麵殷實  
鋪戶十家按鋪散給承領仍令該指揮等造具  
各該鋪戶花名清冊及坐落地方呈送各衙門  
以備稽查○又定平糶麥石定日開糶起令五  
城正副指揮豫期赴倉支領按每員應領麥四  
千四百石限五日起赴倉支領一次每次各領麥  
二百石其應需腳價照五城赴倉支領平糶米  
石之例於麵價錢文內按數扣除○又定平糶

麥麵每人承買自半斤至十斤為止不得過十斤以外令各該指揮各就所屬鋪戶嚴密稽查儻有多買及私行囤收情弊即行查拏究治○又定承買麥石各鋪戶務照官價出售毋得多收錢文短少斤兩如有將次白頂替頭白黑麵攙雜白麵等弊一經查出即於該鋪門首枷號示衆○又定平糶麵麪必須斤兩平準令五城鋪戶各製十六兩秤一杆註明姓名交該指揮持赴戶部較準烙印發給應用如仍用鋪中私秤售賣者查出治罪○五十五年定撥出稷米

三萬石。令五城設廠。即將粗米糶賣。每人每日准買三五升至八九升。總不得過一斗之數。○嘉慶六年議准。豐益倉既改歸倉場經營。其發糶成色米石。暨倉役腳價。悉照本裕倉之例辦理。○七年

諭現值青黃不接之時。京城米價不無昂貴。閭閻口食維艱。自宜量為調劑。著加恩減價平糶。其應如何分廠並撥用何項米石。及派員經理之處。著該部妥議具奏。欽此。遵

旨議准。各倉溢額稜粟二項。約計二萬六千餘石。尚可

減價平糶。按照市價。每石酌減錢四百文。每稜米一石。糶錢一千六百文。每粟米一石。糶錢一千四百文。至節飈土杭米。較市集杭米。相去甚遠。每石糶錢六百文。土稜米。每石糶錢一千文。土粟米。每石糶錢六百文。○十一年議准撥給五城杭米四萬石。麥六萬餘石。分設十廠減價平糶。米。每人每日准買一二升至二斗止。麥。一二升至二斗止。如市價遞平。官價亦奏明酌減。並請

欽派監糶大臣滿漢各五員。各司一廠。以專責成。各

城御史。每日在廠嚴查。步軍統領選派員弁督役訪查。如有姦商影射偷糶及胥役藉端需索。從重究治。糶賣錢文。解部搭放兵餉工程之用。○十六年議准。於存倉杭米內撥出四萬石。稜米內撥出四萬石。分給五城十廠。按現報糧價減價平糶。○十七年

諭。嗣後各倉出放土米時。著該查倉御史親往。眼同驗放。實力稽查。如有撓和掩覆等弊。立即據實叅辦。毋得視為具文。○十八年議准。於本年新收倉麥內。撥出四萬石。分給五城十廠糶賣。○二十三年。撥

京倉麥一萬石。交順天府領運於城外四鄉。按村莊遠近分設廠座減價平糶。○又

諭順天府屬自四月下旬以來雖已陸續得雨。究未十分深透。朕已優加恩恤。蠲緩兼施。並給發米麥。交順天府設廠平糶。因思近畿各州縣窮黎居住稍遠者。恐覓食較難。著加恩再賞給粟米六千石。在於燕郊夏店三河一帶地方。分廠減價平糶。以三千石。在於南石槽懷柔一帶地方。分廠減價平糶。○又議准五城司坊各官承買米麥豆石。在部交錢後。本官親身赴部領取實收。附卷存案。不得私自收存。

並令該員於離任時將所領實收與現存米麥  
豆石數目列入交代文冊暨有無已解未交之  
項分析具文詳城轉呈都察院咨部查覈如有  
不符即行叅辦○二十四年

諭著再撥麥五千石粟米五千石交順天府領運接續  
平糶統俟甘霖大沛之日停止○又奏准現在京城  
內外已得透雨前項米麥減半各給二千五百  
石平糶○道光元年奏准各倉氣頭廠底米石  
例限於五日內派員勘估該委員於五日內估  
定成色結報倉場仍於十日內知照都察院劄

知五城司坊於一月內領竣。儻司坊官遲延。由查倉御史叅奏。如倉監督勒指不行。開放由巡城御史叅奏。再各城領糶成色米豆。變價銀錢。隨時解部。不得遲逾。至平糶米麥錢文一項。出糶完竣。限兩箇月照數解完。並將報銷清冊送部覈題。逾限叅辦。○二年奏准。各倉贏餘土米。及車道等處埽收米石。在七成以上者。篩颺潔淨。實數歸倉。作正關支。六成以下者。發城糶賣。價值照雍正八年以十成覈計。秬米每石一兩。秠米八錢。粟米六錢。按成作價。每石減銀五分。



每成照例價減錢二十文。○三年奏准於海運倉酌撥秬米三萬石。秠米二萬石。分給五城出糶。每人每日糶買米石。仍不得逾數多買。糶賣錢文。陸續解部。車腳等項。仍照舊章辦理。○又議准各倉米石。分別存儲年分。揭除氣頭。廩底。仍照舊章發坊糶賣。除不及二年者。不准揭除外。其儲廩二年以外者。揭除氣頭。毋過一百石。廩底。毋過二十石。儲廩三年以外者。揭除氣頭。毋過一百五十石。廩底。毋過三十石。至四年以外。雖歷年多者。不得過定例二百五十石之數。

責成查倉御史。於國廩開放時。據實查驗。率同該監督眼同領米旗員。照例揭除氣頭。移儲空廩。每放竣一廩。將廩底一併另廩移儲。即時標封。俟出糶時。查驗開封。以防偷換。○又定五城領糶土米。令司坊官親身赴倉承領。如不及親往。准選妥役赴領。並呈報查倉御史查照驗放。凡土米出倉時。責成查倉御史督同監督。確實驗明成色給發。如花戶人等。有需索使費。攙和米色等弊。立即嚴行究辦。各城領到土米之後。將樣米封送巡城御史。暨監糶司員。於開糶時。

比驗。並責成巡城御史監糶司員。親赴米廠一體覈查。○四年議准於北新倉撥給秬米三萬石。秣米二萬石。分給五城出糶。○又撥平糶米四萬石。每人以一斗為限。○咸豐十一年定嗣後五城領糶各倉土米。統以實銀糶賣。毋庸折交錢文。仍照舊例。按十成覈計。秬米每石七錢五分。秣米五錢五分。粟米三錢五分。所糶銀兩解部充餉。統限年清年款。逾限不交。除嚴追外。以侵挪公項論查。取職名分別議處。

官役公費。○倉場滿漢侍郎每年各給銀二千

四百兩

舊例千四百兩  
正六年加給千兩

坐糧廳滿漢二人每

年各給銀二千二百兩

舊例千二百兩  
正六年加給千兩  
又通濟庫

餘帑分給銀  
多寡不齊

均於茶果銀內動支大通橋滿漢

監督每年各給銀五百兩倉場衙門筆帖式四

人每年共給銀千八百兩○雍正元年議准坐

糧廳茶果銀漕白二糧每船納銀十兩小米每

船納銀七兩除各幫頭及有事故船不納外按

到通船實數交納多寡無定如全漕抵通約收

銀六萬餘兩以為各官公費吏役飯食苦蓋

黃船疏濬塢河修理牆壩及催漕快船收買各幫

交贖餘米豆價等項之用。○四年奏准各倉茶果銀每米一廩納銀六十兩七分作放米修廩之用。三分給吏役以備造冊刷卷等費。仍令坐糧廳徵收。其不足一廩者按米遞減封儲通濟庫俟驗明各倉放米數目開報倉場照數批給。○七年奏准白糧進倉向例每船各項需銀三十五六兩嗣後將各船陋規銀裁減十分之六存四分為雇募倉役之用。其漕船抵通每起米一石運軍貼經紀車戶制錢二十二文。每大米一石經紀貼大通橋各役制錢一文。小米二石。

亦貼制錢一文。至漕糧運進京倉。每大米一石。小米二石。大通橋車戶。貼倉役亦如之。其倉場並坐糧廳衙門各書役。舊有飯銀。酌量存留。餘悉裁革。○八年奏准。將應存應革各款。均勒石昭示。以杜額外需索之弊。○又奏准。白糧運進內倉。每船津貼大通橋車戶等銀七錢。水腳銀六錢。書吏銀一兩。令車戶代為轉運。○十三年定。通濟庫大使一人。每年給銀二百兩。庫吏一名。給工食銀百二十兩。庫役四名。共給工食銀六十兩。均於茶果銀內動支。○又奏准。各倉腳

價每領銀百兩向給倉場書吏紙筆飯食銀八兩應行裁革另於茶果銀內按各倉應領腳價數目酌量撥給五成之數每廠給銀五兩四成之數每廠給銀四兩以次遞減○乾隆三年奏准京通十五倉滿漢監督每年各給銀三百兩於坐糧廳茶果項下動支通倉監督每年既給銀三百兩所有應得變價麻袋白糧飯銀不得收受○又奏准內倉向收白糧茶果銀一千六百餘兩以為監督筆帖式吏役飯食一應雜費之用今白糧議減改進漕糧所收茶果等銀僅

六百餘兩。不敷支給。每年撥給運米口袋萬條。聽該倉變價應用。○四年奏准。牘夫工食。每年例給銀十二兩。因通流牘夫十九名。內香河縣應解一名。工食額編止銀五兩。每年短銀七兩。於坐糧廳茶果項下照數補給。○又題准。運易州糧船經由之苑家口永濟橋看橋人役二名。每名每年給工食銀六兩。在坐糧廳茶果項下動給。○五年奏准。各省糧船到通。應交茶果銀。向係運軍自行交納。往往交不足數。除山東河南三省糧船不過淮。仍照舊交納外。其各省



皆令糧道於各軍應領耗贈項內每船扣茶果銀十兩封交押運廳官到通數算批解坐糧廳衙門交納如遇中途截留仍行散給運軍以為起米回空之費。○十三年奏准向因內倉應得腳價茶果等銀不敷辦公將每年殘袋准給萬條令其變價以資公用今官袋既停製造應於坐糧廳茶果銀內照殘袋變銀八百兩之數給發以為辦公之用。○又奏准倉場及坐糧廳衙門書役人等得受各項陋規查明分別應留應革細數勒石永遠遵守如有另立名色婪索者

許受害人等首告。照例治罪。計經紀腳價飯銀二百一十兩內減去銀十兩。白糧經紀腳價飯銀二百六兩四錢內減去銀二十兩。四插水腳扛價飯銀二百六十兩內減去銀四十兩。土壩車戶腳價飯銀三十六兩四錢內減去銀六兩。四錢布袋每萬條飯銀五十兩內減去銀十兩。經紀載錢飯銀三百兩內減去銀二十兩。經紀頭役給飯銀四十兩。各倉腳價飯銀每倉四兩。車戶腳價每倉飯銀四兩。各倉書攢每年給裝釘循環簿銀每倉二兩四錢。各倉書攢給磨對

奏繳飯銀每倉六兩四錢各倉給釘奏繳黃冊  
銀三兩二錢各倉給年規飯銀每倉六兩四錢  
坐糧廳節規每年給銀八兩出巡回巡給銀八  
兩大通橋每年給銀八兩新放監督到任後給  
銀一百六十兩內減去銀三十兩各倉進米報  
單每倉給銀二兩四錢經紀每年給掣欠飯銀  
六十兩○又定每收米一廩給倉場衙門書吏  
飯銀五兩各倉書攢飯銀十八兩未滿廩座按  
米計算每米一石給倉場書吏銀五毫書攢銀  
一釐八毫○二十六年議准四牘項下牘夫工

食銀兩充抵河兵月餉其不敷銀兩即以茶果  
項下牘夫工食銀兩補給其牘夫應領工食銀  
兩改歸各州縣所解銀兩項下支給○二十八  
年定恩豐倉監督養廉照豐益倉之例歲支銀  
三百五十兩○三十四年定茶果銀兩係按船  
徵收每大米船一隻徵銀八兩小米船一隻徵  
銀四兩六錢全漕之年計收銀四萬七千餘兩  
以為司漕各官養廉

清漪園

今改名為  
頤和園

水手並牘夫工食河兵月餉暨

撥運薊米腳價公費等項之用歷年動支三萬

餘兩其餘銀儘數收買各幫餘米。今江蘇湖廣等省輪免漕糧止收銀二萬八千餘兩應放各項銀兩不敷支給於輕齎銀內暫行墊放俟明歲漕船抵通將新收茶果銀兩歸還。○嘉慶十三年奏准河汎兵內添設管押船隻額外外委十二員差委巡緝照漕運八汎外委之例每名每日給催漕飯食銀一錢水手銀一錢於茶果項下動支。○十四年

欽派滿漢御史在朝陽門外稽察俸甲米石進城所撥書吏捕役應需公費照抽查漕糧之例移咨倉

場等衙門報銷